


沈乃文 主編

明別集叢刊 第一輯

第三十六冊

黃山書社




沈乃文 主編

明別集叢刊 第一輯

第三十六冊

黃山書社



(明)張益撰

張文僖集一卷

清道光二十八年涇縣
潘氏刻乾坤正氣集本

張文僖集卷一

明張益著

送盛汝政還蘇序

涇縣潘錫恩校

姑蘇盛君汝政爲今太醫院御醫起東之子蘇州府醫學正科文剛之弟其醫凡幾世矣而御醫公與正科尤特著名于時汝政自鄉來省于京既得以致其溫清之誠復得以習其診視之法于茲再閱寒暑而御醫公有父號居密先生年餘九旬卽康宜在堂御醫公因謂汝政曰惟汝之欲恒在吾側卽吾之欲恒在吾父之左右也吾今有官在朝弗克歸侍其情可知汝兄雖在鄉里然而亦有官守恐其或未得以致朝夕養汝其亟歸以承吾事以盡汝之所以恪恭匪懈者以紓我之所以爲早暮念憶者又以爲汝兄若我之在父側者則汝爲能子爲難弟爲令孫噫一身而三責備汝

南川正氣集卷二百一

送盛汝謙還蘇州序

君子之澤其流愈遠而愈大者由其所積之深厚也觀之盛氏豈不爲可見哉盛氏之在姑蘇始于宋參政文肅公五世孫曰岫者從高宗南渡而來居也曰宗仁曰寓翁曰居密處士皆爲盛氏之聞人而居密之孝友文學尤爲鄉里所推重居密生御醫公起東御醫子十有一人而第二今爲蘇州府儒學正科其所以孝父母友兄弟勤學業而敦行誼者綽有乃祖乃父之風茲以正科秩滿

來京師子獲與會契濶方伸而復任之命已下汝謙朝拜夕行子曰子何見之爲亟耶汝謙曰念吾父以高年居倚廬正當朝夕左右承顏色以慰其哀戚之情豈可使之重加離憂于吾也耶子聞而嘆美之曰懿哉汝謙知之孝于其父乎孝爲百行之本宜其克有乃祖乃父之風先世所積之澤得不愈遠而愈大乎交遊及同鄉者因其還而求子言以贈之子喜鄉之有盛氏也猶餐谷之有芝蘭林藪之有麟鳳而父子自足以揚芬芳表異奇子斯世故不辭而爲之書云正統三年龍集戊午秋九月初吉

送醫學正科盛文剛還蘇序

今年春宣宗皇帝賓天萬國興哀而諸司百職各以香違夏之四月蘇州府醫學正科盛君文剛由是來京瞻拜几筵禮成而出則省其父太醫院御醫起東先生于官舍公義既申私恩亦遂文剛

南川正氣集卷二百一

此行豈徒勞哉其歸有日鄉人相率爲餞微予文以贈之子觀古之能以醫而著稱者若盧扁張仲景劉守真李東垣輩一代不三四人夫醫所以濟人之疾病天札者也其人宜多而反不多豈非軒岐之書其言不易曉其理爲難窮歟言不易曉而理爲難窮則其人之不可以多得也固宜吾今得二人焉不惟同出于一鄉而且同出于一門不惟同出于一門而且有父子之親先生與文剛是已得不爲可樂而慶乎蓋先生之醫內有承受于居密翁外得所傳于仲先生王公公傳于丹溪朱公公本之東源流若此故于不易曉者洞然有以明之爲難窮者灼然有以見之療人之疾無不愈者籍然名克著當世也文剛質過人而功不怠故得家傳者獨深爲正科于郡中官舉而名亦著昔司馬光世掌天官光輝史冊今盛氏亦世典醫職得不與之同休而並美哉子特書以贈之

宣德十年龍集乙卯夏五月望

新建太倉鎮海衛學記

正統改元之初朝廷用兵部侍郎毘陵徐公晞言凡天下衛所之附于郡縣者其武弁子弟皆令就教于郡縣之學若其地居邊裔與郡縣相遠者俾得建學如郡縣之制命既下四方才武之士莫不權悅鼓舞遣子入學維時鎮海太倉二衛同蒞一城在姑蘇之境去郡百餘里東西去嘉定崑山二邑又各一舍許乃上禮部願以二衛併建一學禮部以聞蒙即下詔許之二衛官僚議欲建創會其費億萬計而莫知其所指者乃合辭白其事于巡撫侍郎廬陵周公忱公曰建學教人是吾職也然必使其費不糜于官不厲于民然後爲美先是二衛兵士有餽民田以耕者其常稅之租當輸遠倉而道里舟車之費率與租額相等公乃集衆而諭之曰吾

章地正氣集 卷二百一十一

二

將易而遠輸近倉使各省其舟車之費以爲是學之資可乎衆咸曰善於是命所司收其所費得米以石計凡三千有奇公喜曰是足以有爲矣乃度城之東南隅得舊官第爲地若干畝用加構築命太倉衛鎮撫張寶鎮海衛百戶王端崑山縣士民姜墳董其事復命主簿何寅總督之工出僱募力各自効材以估易所致皆良經始于正統戊午之秋落成于己未正月其明倫堂則因官第之舊而加葺之乃若大成殿戟門兩廡孝敬忠義兩齋宵僚之屬庫庖庖廡之所皆從創製及其成也二衛子弟俊秀之來遊者恒百餘人師有教授訓導而訓導羅英祖實首至焉贊等以爲茲學之創建皆周公主張以成之恐歲月寢久後之人或莫知之相與謀而徵予之記於乎學校之設肇自古昔文武一道豈異習乎洪惟聖明在上廣開庠序務欲四海九州無一人不遊於詩書禮樂

之場以敦篤孝弟忠信之行而致夫雍熙泰和之治也二衛俊秀雖出于操戈擐鎧之族今也得依夫子之門牆挾冊以遊接席相講皆得以明夫脩己治人之方而不昧乎尊君親上之義他日舉而用之文事武備無不得其宜矣是蓋聖天子教養之盛心不可不知所自哉雖然斯學之建朝廷之恩厚矣向非周公能欽承而致所區畫之良其學之成有若是之易乎周公之區畫固良矣苟非贊等能盡其力於下則學雖建其於殿堂齋舍百物所需有若是之壯美而畢備乎突其所存皆在于深體朝廷建學育才之盛意而克盡其心也予故特爲之書使後之來者有所考焉

范文正公祠堂重修記

肆惟我國家敦崇教化尊尙儒賢其於前代良臣誼弼功能及人而廟祀于郡邑者必命守臣嚴禮事葺祠宇示勸之意不既深乎

章地正氣集 卷二百一十二

四

顧在守臣之賢乃克視此爲重而盡心焉蘇郡實宋太師魏國文正公范公桑梓之里而其先塋義莊義宅義田義學咸在故公之祠堂久建於此事詳舊制西江况侯伯律以奉秩大夫禮部郎中奉勅來守茲郡政敷民安百廢具舉嘗有事于祠下顧瞻棟宇有圯撓者因喟然曰茲責在我勿急所圖易稱上意即請于朝用加修治於是卜日鳩工度材築基撤舊易新拓小以大爲祠堂前後各五楹後以奉公神像前置累朝碑刻東西有廡廡東祀宋郡守潛公咸淳中始建是祠者也堂偏爲書院構用舊材以其尙堅好也院亦有堂前後各三楹揭以忠孝舊扁東西有廡齋宿閑牲以及庖廡莫不有所西偏則范氏家廟歲寒堂在焉子孫歲祀公於其中外爲門屋三間亦仍以文正書院舊額揭之垣墉周繚規制宏壯觀昔有加凡所用度一皆出粟之羨貯于官者經始于宣德

甲寅六月三日畢工於九月十日况侯謹率僚屬暨學官諸生
范氏子孫以落其成主奉元理及提督希賓爰與族人謀曰祠宇
再新既賴郡守益勸鑄辭用著不忘遂以屬予予忝爲公郡人子
斯盛事在所當述故不敢辭以蕪陋惟公問氣所生心與學術俱
正毅然有爲于世奈何周旋中外政府方登讒慝已構雖其才不
盡展乃若功德之及人者尙多節義足以勵俗進退綽綽非古之
所謂大臣者何能與於此乎當時使能盡用必將成就大業以濟
天下此蓋君子所深惜也然而公之自立于天地間者百世不泯
祠當百世愈新况侯爲賢郡守克承上意亟致修治宜乎在郡多
善政也詩曰伐柯伐柯其則不遠斯之謂與故余特爲之書

蘇郡虎邱修塔記

虎邱寺有塔凡七級在絕頂故視他塔特高始建於隋仁壽九年
乾坤正氣集卷二目二
當其拙地築基得舍利一人聞空中奏樂井之吼者三日虎邱既
爲蘇之勝地而塔之靈異又若此其來遊者不但欲遂登覽之樂
且以致崇信之心焉寺凡屢燬而塔固無恙洪武乙亥僧舍不戒
於火寺焚延及浮圖永樂初住持法寶重構殿宇而塔則專托寺
僧寶林加葺之宣德癸丑火復作于僧舍浮圖又及於災而加葺
于昔焉住山定公南印慨然嘆曰是魔耶數乎不有廢也則何以
與人能興其所廢無他在其志之所立何如耳乃罄衣資所有粗
具材石既而巡撫侍郎周公郡守况公間南印之有爲也卽捐已
俸資助之郡人爭以財物來施由是材非美者繩墨不加石非堅
者礱琢不及經始于正統丁巳之春落成于戊午八月三日霽盤
初上白鶴數十迴旋塔頂久之乃去舍利之光連夕燭天旣閱月
復有紅白之光自塔頂出橫亘北斗之下靈異薦彰衆目所覩謂

尤甚於塔之初建時也南印又因餘材創構大雄殿丹碧交輝
與塔稱惟前塔之重建也始發心于南印而力之成就者多出
周况二公之樂施力于此者又因南印梵行內學高而且深有以
動之也南印字味葉南印號也蓋爲天界住持蒲室之孫樸庵之
子禪派傳自臨濟歷吳江之普濟湖之天聖蘇之承天住持今爲
郡僧綱司都綱僧臘踰七袞矣嘗承召命較藏典于北京海印賜
香便蕃縉素致榮艷焉其徒永瑞斷石於寺求文以識其師重建
是塔之由用以昭示允遠予喜南印有志於事而竟成也乃爲書
之石云

居密壽藏記

正統元年春正月太醫院御醫盛公起東以其父居密先生之年
高甚亟置壽藏請予狀先生行實遂得記銘于禮部尙書兼翰林
學士南郡楊公是歲冬十有二月十八日先生卒御醫卜以明年
九月十九日與妣合葬復求續銘于予且填諱焉諱有不得辭者
乃爲銘曰今之壽夭所賜何能斯由善積曷可徵居密配之良
孝姑嫜遭家難歷冰霜子有成業弗荒歿後先同厥藏銘之以實
今百世其永光同郡張益撰

祭怡庵陳先生文

維宣德九年歲在甲寅十月甲辰朔越十日癸丑門生文林郎行
在大理寺左評事張益謹以清酌庶羞之奠致祭于翰林檢討致
仕怡庵陳先生之靈曰嗚呼古之學者不獨自擇其師師亦恒擇
其人而教之焉益自登進士卽有志於學古文詞聞先生在吳欲
往執業而不可得竊見文章於簡冊者讀之愈欲往從先生亦嘗
見益文於鄉人所尤願教焉因緣幸會遂得其事而益人接几席

出陪杖履歲月既久蒙教實多先生務欲使益於扶腐鈞元而折從古發聞與於經籍之中追淳龐於秦漢之上而益每以質下力綿不克少進爲自憾也先生南歸益之情固已有弗堪者今乃與之死生契濶其悲曷勝先生之子完來乞碑銘於少傅兩楊公且以治命俾益述狀益不可謂之不知先生者也而於先生道德之崇文學之懿則豈區區生所能盡發其底蘊乎然而兩少傅之文自足昭先生於永世矣完還謹附祭儀用冀靈几嗚呼光風霽月長遠亟丈之容北斗泰山永切斯文之仰九原不昧庶鑒微衷嗚呼哀哉伏惟尚享

居密先生行實

先生姓盛名建字景華號默庵今號居密宋泰知政事文肅公度之後也金人之亂中原仕族皆南從盛氏因家於蘇會大父益太

章坤正氣集 卷三十一

七

父宗仁皆業儒授徒以自養父似祖號寓翁讀書明理性學冠婚喪祭行遵文公家禮爲吳縉紳家楷範先生寓翁仲子母鄧氏自幼穎悟雅志典冊既長識量宏遠而質直好義元季張士誠據蘇先生所善有唐自牧者質官儒二百餘石自度不能償恐因咎辱來與先生訣先生驚謂曰用幾何可了曰須銀百兩卽與之如數自牧得不死洪武初有以先生薦者太祖皇帝召見之賜冠帶襲衣命議事於兵部視能授官先生處斷剛正尚書陳宜忌之欲中以危法人爲先生懼且勸其少降意先生處之自若曰死生命也既而嘆曰仕欲行志志不能行烏用仕爲卽日稱疾歸初國兵下姑蘇寓翁出先園城扁舍中圖書器玩託鄰家守視而隣之孥竊售之及是咸欲問官究治適先生婦獨曰今日父子獲全幸矣奈何以物而致人罪乎寓翁喜釋之質洪武己酉也後二年陳宜爲

蘇州知府徵丙午所負糧熟鐵烙征人刑甚慘酷人稱其爲暗格鐵亟詢先生衆亦勸之往見先生曰是人欲破吾家因遁去益以先生籍在吳縣屬所司以十三都通區未足之糧悉委催督方是時民經兵燹食且不給宿負何能償先生傾貲代償至千餘石里人咸曰我輩豈可重累長者轉相稱貸不月告足先生終不一見未幾益果敗人皆服其允見歲甲寅先生弟章爲商濟南轉買大同鹽引事覺追捕甚急事且巨測寓翁憐章幼子欲代之先生告曰世有是理耶弟幼且未有子某幸有子事當任之卽趨出就繫至京得從輕論發戍宜夏時其地新定荆榛飢饉野斗米千錢人飢困多疾疫先生以醫藥濟之全活者衆故舊同在戍所而貧窶者多來相依先生與同飲食會無倦意嘗道經西益山中宿逆旅聞主人哭甚且詢之以父母同時死貧無以具棺歛先生惻

章坤正氣集 卷三十一

人

然探囊中得白金五兩盡與之主人拜泣問姓名不告而去成久念二親衰老終日南望涕泣歲壬申始獲歸省淡旬母歿又五年復歸省而寓翁卒皆得臨窆鄉人稱爲孝義所致李幹貞臣前元戶部侍郎洪武初爲陝西省郎中兼秦府參軍以事戍宜夏與先生友後受慶府薦爲翰林待詔年八十餘歲壬午請老無家歸知先生亦以老而還蘇來依之先生延教諸孫逾數月疾卒具棺衾以葬而俾孫雲受業者持其喪鄉人周伯恭久客淮疾羸而貧經還蘇告公曰夙聞高誼故靖託死先生欣諾而館之藥食扶持延歲餘乃歿亦具棺衾葬焉凡鄉黨有貧窮患難及婚喪不能舉者其賑給皆類此先生瞻才思而好吟詠有原道諸詩陶鎔理趣一時人重之刻石於郡庠先遊關中遇異人授吐納導引法今年九十有二而齒髮堅黑顏童步健足見所自養矣娶朱氏先卒同郡

叔正之文元天歷庚午吳中大飢疫叔正出米分給鄉人日千餘家病給藥死給棺凡三閱禾登乃已遂以義士旌門先生子宜寅實監寅太醫院御醫餘卒女端適刑部主事顧信亦卒孫男十一人儼倫侃伏必偉傑倭倭傳侃蘇州府醫學正科孫女六媛如慶如娛如素如吉如安如曾孫男十曾孫女六至是預爲壽藏於縣之胥臺鄉黃山之陽先兆之側後將與朱孺人同處其中御醫乃欲拜求銘詞於當代大人先生以益與之同鄉俾述行實之槩益不獲辭謹錄以備采擇宣德十年冬十有一月初吉姑蘇張益謹述

明故翰林院檢討從仕郎致仕怡庵陳先生行狀

先生諱繼字嗣初號怡庵姓陳氏出自陳武帝後有諱業者爲朱文忠公堯叟從父自蜀徙居南康之都昌又七世五十府君諱

乾坤正氣集

卷一百一十一

九

登宣和六年進士乙科歷官至左朝散大夫明州通判再徙家於星子五世而至二世府君洽爲咸淳鄉貢進士實先生之高祖考也曾大父全元翰林待制妣安人黃氏松溪先生之女大父澂號天倪受學於臨川吳文正公研精經史考覈百氏有會斯道人稱爲天兒先生至正間廷臣交薦起之將授以官然負其介特與時輩不合卽飄然南歸肆情湖海後遂家於吳城妣碩人江氏宋相文忠公古心之孫父汝言個儻有大志博綜經史文章翰墨甚推重於時國初官濟南府經歷時法令方新民尙凋弊大將嘗從其境出師郡守迂懦莫知所措需用百出經歷公獨能辦之大將亟稱其才母孺人吳氏生三女經歷公憂未得嗣孺人忽一夕夢有若世所畫白衣大士者壁腹露小兒面曰吾與若種已而生先生於濟南官舍洪武三年庚戌十一月一日也遂以釋重爲小字甫

而經歷公卒母抱先生還吳城家四壁立惟有地數百弓遺書一萬餘卷母力清節勤紡績劬勞鞠育而先生年日加長神氣清爽聰明異常兒母授以孝經小學論孟不數過卽能成誦年十二遣就外傳去所居稍遠母每旦粉麥作餅俾先生自將以充午餉先生痛父早歿念母教育之勤卽能於學知奮曰不可無所成就以負吾親先生讀書日記數百萬言又畧通其大義心愈知好於是往受詩於長洲邑岸訓導鄭尙德介軒秦師尹受易於立庵俞貞木三先生皆吳中碩儒而善爲教見先生力勇志篤莫不嘆曰難允有子矣惟允經歷公字也先生於三先生學各有所得猶不自足時三吳學問文章其最著稱者曰半軒王先生止仲學者爭欲出其門然而半軒清介嚴毅人不易近先生獨往奉贊半軒見其禮意勤厚欣然俾就弟子之列他日半軒曰子嘗知爲學之方乎

乾坤正氣集

卷一百一十一

十

先生對曰某聞先儒有云居敬以持其志立志以固其本志行乎事物之表敬行乎事物之內而某於此不敢自怠半軒曰是卽所謂學也因盡以所得授之相從三載而凡義理所在皆能致體察焉故先生於處已行事綽綽有裕作爲詩文和平雅淡動有矩矱蘇郡故守金綱季女有容德吳中富家交致行媒請爲婚金夫人皆不許最後而得先生許之親迎有期而金之長壻浦德廣坐法家沒官有司以金氏猶在籍中併沒之先生曰先王之法父子不相連坐况女已受聘乎趨白於朝夫婦遂得偕還而先生用是家益貧矣人多爲之不堪先生毅然曰古人立名節未嘗不在艱險家雖貧尙有遺書古琴可以絃誦庫屋可蔽風雨荒田廢圃可爲墾治乃與金氏躬操農器力耕其間未幾而桑麻春陰救麥時獲牲蓄蕃息果木生成而家產粗植矣金氏尤勤蠶桑極致甘軟以

相孝養而母之心日懼先生雖躬耕作而於所業不廢荷鋤而讀
摻銘以思恒自若也每當困倦則高誦先秦古文及司馬氏史記
聲音越亮而神思爲之一清故先生之文多得於此先生既有所
植其產復得以養其母中心甚適時援琴而歌之曰勤於耕兮足
衣食勤於學兮終成德理於家兮婦有職孝于親兮禮不惑處私
室兮當自默因以耕樂爲自號云開門授徒來遊者甚衆先生施
教有法解疑辨惑必使詳盡乃已不樂收元郡以其母貞節聞詔
旌之先生至是德益尊名益著而其教道益廣知者交薦之符牒
累下而先生皆以目背母老辭不起及母卒喪葬盡禮先生時年
五十餘矣雖在林下而四方求文者殆無虛日今少傅廬陵楊公
一見其文大加稱賞仁宗昭皇帝緝熙聖學萬機之暇思與名儒
講論堯舜之道以致堯舜之治乃命廷臣訪求之少傅公首以先

章正氣集 卷一百一十一

二

生應詔使者在門先生有不可辭卽隨以來授國子監博士尋改
翰林院五經博士命與太常卿兼翰林學士南郡楊公侍講王公
汝嘉編修楊公敬給事中何公澄同直宏文閣閣在思善門右最
爲嚴密之所仁宗聽朝罷卽從容顧問而學士楊公自春坊授經
多所啟沃茲與先生共事道同氣合自以深得資助而謂少傅公
所舉得人至於遠近賢士大夫聞先生見用言亦莫不然也今上
嗣位命修皇祖考兩朝實錄先生所紀述者一皆詳實而監修以
及同纂修者俱稱先生有良史才書成有白金文綺襲衣之賜進
官檢討逾年老疾交作上疏乞歸皇上俯從其請三吳學者聞先
生得歸皆延領以望其至曰先生來吾屬有所依矣其歸之又明
年而先生疾病將革命季完誦西銘數過先生接誦存吾順事歿
吾益也二句不輟蓋先生平日深取所致力者至此果無憾焉門

人劉溥問先生心內何如直答曰心內無事悠然而逝宣德九
年夏五月六日也享年六十有五郡守况公率僚屬咸往弔哭而
其宗族姻黨門生故友爲弔哭者百里畢至中朝縉紳以及三吳
士大夫聞先生卒舉惜之曰陳先生亡矣天何獨不憐遺傳爲後
學之所宗哉配孺人金氏先十二年而卒子男五人宗娶陸氏寬
娶施氏施卒宏娶王氏繼蔣氏宣娶郭氏宣亦卒完娶王氏諸子
承訓於家克修文行女二人長適謝璜次幼孫男七人傳儀仁偉
佃估備女四人卜以是年十月十三日葬於吳縣太平鄉五都薦
廟山之先塋所著有怡庵集四十卷藏於家先生早歲爲詩文多
不留稿今所集者四句以後及在官時所作也先生孝友天性事
母奉祭禮敬交至母老先生情依依不忍去左右先生肄業長洲
邑庠時母日與錢數文以充雜費先生蓄之不自用見時物甘美

章正氣集 卷一百一十二

三

者卽市之婦以奉母長姊適范文正公宗孫昭其家坐事謫戍於
三千里外昭沒先生迎姊歸養訓撫其子元理至於成人復爲娶
室少姊適貢元劉政早寡先生周卹其家尤盡恩意友人馬致安
儒家子也子然一身歿無以爲葬先生買棺葬之復銘其墓他若
親友婚喪之不克舉患難求拯遠行無資獨無依者先生皆有
所濟急而安全之積歲不知其幾也先生居北京數年淡然世故
榮利一不動心而公卿大夫多禮下之天下之士至京師有聞先
生之名者必往贊見及聆其論議以退皆充然有得先生與人交
際不事容悅善者譽之不置有不善輒面斥之人亦不以爲忤已
也先生前後講授殆數百人而致通顯者衆先生嘗與益論文而
曰文以氣爲主古人之文所以雄深而雅健者以其於氣能有所
養也子欲知養之方但當熟讀孟子因俾益朗誦公孫丑問不動

章畢則節解而目詳之既而曰養氣不專在文聖賢事業可致然不知所養則餒氣餒則文辭終至萎爾文辭且然况其大者乎此又不可不知益再拜受教嗚呼先生不可不作矣誨言在耳曷敢忘哉重惟先生學業行履之高宜有美諡以昭永世爲其徒者既不得公請於朝而又未及私議於家先生將不日就泯沒矣乎然而銘墳表墓之文尙賴當代大人君子爲之執筆而先生所謂高者果終不暴白於天下後世也耶稽歲月纂言行得以備采摭者門弟子之所責也益終不揆蕪陋用述其槩以獻謹狀宣德九年秋七月十日門生文林郎大理寺左評事同郡張益謹狀

刑部主事盧君墓志銘

士勤一世方向用而遽沒茲豈獨斯人不幸歟吾於刑部主事盧君之卒深有所慨者焉君諱瑛字克修蘇之崑山故儒家也君以

草埔正氣集

卷二百一

三

早孤自奮勤學好問志紹先業補邑庠生治易經登宣德庚戌進士第擢主事三載最績得受勅命褒嘉君性至孝奉其母雖在窮約甘旨必具其讀書能攻苦澁精思力求故於六經羣籍之志日有得於心者工詩文篆隸真行書清雅俊逸而善寫竹石皆爲士林所重當其鞠獄務存平恕而又明於刑律凡所斷決皆自爲不究有驛丞因撻子誤傷死其驛夫法司論以故殺君爲辨之得就輕律君之先後所辯類此者衆尙書魏公侍郎何公咸加獎譽而公卿大臣知君者爭相推轂未及顯用而君竟卒矣正統四年三月廿五日也君之卒年僅三十有八母年已踰六十子始生彌月女四人皆幼高祖號夷孝先生曾祖熊戶部照磨歷中書舍人宛州知州修吳郡志有文集行於世祖彭祖以文學起家武康縣丞卒官禮部主事父孝有德而弗耀今贈承德郎刑部主事母

衛氏禮部主事以喜娣寡君教子有古節婦風封太安人妻夏氏吏部主事仲昭女奉姑相夫內道之謹雖本家法君復有所刑焉封安人嗚呼謂君無所積而止是耶則其自勤於一世者又如此也非此之謂而竟止是得不由夫命歟使君不止於是必膺顯用推其所有而人之蒙其濟者必多矣今其沒也夫豈獨斯人之不幸哉予故不能無慨於是乃按進士張節之狀而爲銘曰長洲之邑白蓮之鄉先兆在茲用安厥藏尙俾所圖其後永昌

弘文僖集卷終

草埔正氣集

卷二百一

涇縣潘錫恩校

古



(明) 王汝玉 撰

青城山人詩集八卷

明景泰四年華靖刻本

右青城詩集若干卷先大父文靖公之所著也大父自幼以詩文名接交當時海內儒碩非一往來倡酬靡不見之賦詠自入

國朝登仕籍洎陞翰林嚴光益著其製作特盛然兩為回祿所虐稿皆殘缺所幸別或收貯得十之二閱

後石

歲既久鎔以菲才宦游古汴東以自隨公暇因掇拾分類繕寫一帙有外集者附之藏之篋中家居以來因穀失墜偶姻好華君彥謀過而見之三復嗟歎遂於內各刪百首命工刊次嗚呼大父文名蓋一世著述布天下而遺藁灰滅無幾

又弗克傳世豈造物者不使有見於後哉實子孫不肖不能繼述先業之所致也今大父歿餘三十年而一旦幸表而出之是明珠寶劍之起于重淵必有待其時歟彥謀讀書好義嘗輯其族譜諸集行世足義故家子孫立志超卓不屑細

後石

故如是皆

正統十二年嘉平望日孫鎔謹識

青城山人詩集卷之一

太子賓客謚文靖吳門王汝玉

隆亭華靖編次

五言古詩

雜詩十首

昔年十四五猛志狹八荒欲登崑崙巔揮手攀扶桑
腰縣倚天劍身被拂雲裳出入在元始碩瞻近三光
琅玕久不實靈鳥方高翔吞聲勿復道感慨熱衷腸

又

遠遊歷燕趙撫劍黃金臺昭王在何許遺跡空蒿萊

青城詩集

卷之一

是時窮秋後朔漠悲風來驚沙掩白日六龍就西馳
羈懷無與歡俯仰獨徘徊哀個將安之零淚曾沾懷

又

青陽降豐澤萬物競欣榮秋霜被原野從此悲凋零
賢人抱識鑑時運有衰興四皓隱商山二八登虞廷
卷舒貴適道奚必局常經

又

長川欲車騁脩路乃舟航梧桐巢燕雀荆棘栖鳳凰
人情多不測世故有難量班姬不長信趙女入昭陽
微陰今日翳巧語使交傷誰能如管鮑終始不相忘

又

多財情易溢縱欲神將鑠瞻前慎圖返憂泰當思約
婉戀通衢子遨遊恣歡譁玉珮綺羅衣白馬黃金絡
但慕千駟侈安知一瓢樂一朝時忽殊萬事終零落
盛年不可保富貴難常托胡彼冲虛人冥心守恬漠

又

薜蘿輝朝艷豈觀蟠苑春營營塵中徒寧識林下人
靨色令心惑驕荒使智昏日夕相馳逐何時返道真

又

顏回反天卒盜跖獲壽亡眾人惑其變志士有其常

于我集

卷之二

非法不嚴奸臨義安肯忘願為松柏姿不學桃李芳
苑李能娛人飄零使我傷

又

弱水不容涉蓬萊焉得遊生時被珠玉死後歸山丘
一身非我有此外安足求君子順時命小人行險謀
榮華能取辱貧賤可忘憂

又

盛衰互相倚物理本有常倉鷗方振羽鴻鴈已飛翔
人生不滿百微命若晨霜昨時朱顏子奄忽成蒼
材大徒為累名高徒自傷何如王子晉乘鸞遠飄揚